

4. Atzizkia. Atzizki onek enplegu aunitz ditu. Geienetan izena mugatzen du adierazik bakuna dala eta ezagutua. / Atzizki orren bidez izen gisa erabil ditezke esanera mota geienak: *Zeru orren urdiña, itxasoaren zabal, gizon orren etorria!* / Erakuts izen ordetzat erabil ditezke *-en, -ko* eta *-n* atzizkien ondotik: *aitarena, errikoa, duzuna.* / Askotan bakuntasuna salatzen du (L. BN. Z.): *Duela urtea (orain urte bete).* / Atzizki orrek eztu beti itza mugatzen: *Nere andrea andre ona da.* / Zenbait kasutan moltsoa adierazten du: *Erlea amaren inguruan biltzen da oso osoa.* / Jabe itzaren ordetzkotzat egiten du: *Aita semea maite du.* / Estatu iraunkor bat adieraz dezake: *eri da -eria da; erori da - eroria da.* / Atzizki orrek adverbioa ere egiten du: *ixil ixila. abalik ederkiena* (L. BN.). / Galdezkoa (L. BN. Z. E.): *Eldu biza? Baduka burutik? Baia? Eza? Gor niza ala entzun dut? Errandeadazia?* / Nora janten dan erakusten duen atzizkia: *Arizkuna* (Arizkuner) *Zizurkilla, Zara. 'za.*

Donostian, Diputazioan, 1966-VI-24.

Bildu dira: Lafitte, buru, Villasante, Haritschelhar, Larzabal, Satrustegi, Irigaray, Lojendio eta Irigoyen euskaltzaiñak. Lopez Mendizabal ohorezkoa ere egon da. Etxaniz, Garmendia, Arregi, Beobide, Aresti, Loidi, Zatarain, Oregi, Fernando Mendizabal laguntzaileak.

Oleaga eta San Martin-ek ezin etorria adierazi dute.

Itzegiaz jardun da. Lan batzuek ekarri dira. Nola jarri behar dan itzen ordena, nolako itzak sartu behar diran eta *b* letrarekin nola jokatu izan dira erabili diran gaiak batez ere. Sar bitez itz guztiak. Azalpena egin bedi ordena alfabetikoz lendarbizi datorren itzean, dituen aldakuntzak ere aipaturik eta geroago bakoitza sarturik ordenaz tokatzen zaion lekuan. Ezta esango zein itz dan erabilgarrien. Orrela itz batzuek *b*-kin eta *b* gabe bietan ipiñiko dira, baldin ala erabiltzen badira eta beste klase bateko aldakuntzetan berdin. Bialtzen diran lanak multikopistaz atera bitez gero batzarrean tratatzeko.

F. Mendizabal mintzatu da egiten ari dan euskal gramatika batez. Ikasleen artean dituen esperientziak azaldu ditu eta euskerazko gramatika-terminolojiak zenbait iritzi eman ditu.

Lopez Mendizabal jauna agertu da eta guztiak agurtu dute. Lafitte-k itz batzuek zuzendu dizkio bere ohoretan eta berak erantzun egin dio.

Aurreko batzarreko agiria irakurri da eta ontzat artu da.

Irigaray-k Kerexeta-ren lanaz zenbait gauza esan ditu. Batzordekoen eskuetan utzi da iritzi bat ekar dezaten.

San Martin-en karta bat irakurri da Kirikiño-ren omenaldia dala-ta. Gerediaga alkartadekoak nahi dute Mañaria-n egin dedin Euskaltzaindiaren urriko batzarrea. Egin bedi. Aiei karta baten bidez esatea komeni litzake eta ala egin bedi gure babesa ere izango duela omenaldiak aipaturik.

Irigoyen-ek dio Bilboko eskola zabaldu dala eta Apezpiku jauna izan zala lokalen bedeinkazioa egiten. Bertan egon ziran Euskaltzaindikoan artean Bizkaiko Diputazioko ordezkari bat eta irakaskintzaren lenengo maillako inspektorea. Apezpiku jaunak zenbait itz esan zituen euskeraren alde eta eskerrak eman zitzaizkion bertan. Itxura danez eskola berriak zabaltzeko bidea egiña dago Euskaltzaindiaren babesarekin izatekotan eta zenbait lekutan paperak egiten ari dira.

Dio, gaiñera, Kriselu taldekoak Bilboko Ayala Teatroan obra bat eman dutela.

Gereño-ren kartu bat irakurri da. Dio Euskaltzaindiak eskabide bat egin behar liokeala «Ministerio de Educación y Ciencia»-ri Euskalerriko Majisterio Eskoletan euskeraren katedrak ipiñi ditzaten edo beintzat kurso batzuk bertan ikasten duten maisu-maistrentzat. Estudiatu bedi zeatz gauza au. Lojendio-ri eskatu zaio arakatu ondoren iritzi bat ekar dezan. Esan da, gaiñera, Majisterio Eskoletan bertan ere komeni litzakeala nolako giroa dagoen ikustea.

Irigoyen-ek aipatu du Bizkaiko Diputazioak bialduta amazortzi maistra esaminatu dituala ia euskeraz dakien, puntu bat irabazten baitute orrela izanik barriadako eskoletarako.

Iruñeko «M. I. Colegio de Abogados»-ek erantzun digu. Eskerrak ematen dizkigute gure eskabideagatik eta diote oraingoz konpontzen dirala euskerazko interprete kontuan eta behar balute aintzat artuko luketela gure proposamendua. Satrustegi-k lege kontuan Nafarroko euskal giroaz zenbait gauza esan ditu.

Bertsolari saioez itz egin da. Lakuntza-n garagarillaren 19-an egin zan bat. Urrengoa Bergara-n izango da.

Haritschelhar-ek esan du nola Goienetxe jaunak tesis bat aurkeztatu duen Bordelen zortzireun orrialde ingurukoa «Onomástica Vasca del siglo XI al XV» gaiaz. Dio, gaiñera, Xuberoko Irurin pastoral berri bat ematekoa dala abuztuan. Zeaztasun geiago esango dira geroago.

Satrustegi liturjiari buruz Urretxuan egin dan batzarreaz mintzatu da. Aita gure bakar bat Euskalerrri osorako nola izan ditekean ere estudiatu dute. Beste billera batzuek egitekoak omen dituzte. Atsegin aundiz ikusi da.

Beobide-k esan du ia Euskaltzaindiak juradu bat izendatuko lukean Koka Kola-k aurrentzat jarri duen sariketarako. Garaia danean egin bedi. Esan du, gaiñera, zenbait teatro lan biltzen aritu dirala taldeak behar dutenean nora jo izan dezaten eta ia Euskaltzaindiaren etxean gorde ditezkean. Gorde ditezke.

Juan Garmendia-k izen bi aipatu ditu laguntzaille izan ditezkeanak. Abuztuan da izendatzeko garaia eta kontuan artu bedi.

Besterik gabe oi dan otoitzarekin asi eta bukatu da batzarrea.

*Euskaltzainburuordea*

P. LAFITTE

*Idazlariordea*

ALFONSO IRIGOYEN

Donostian, Diputazioan, 1966-VII-29.

Bildu dira: Dassance, buru, Villasante, Larzabal, Mitxelena, Lafitte, San Martin, Haritschelhar, Arrue, Labayen, Irigaray eta Irigoyen euskaltzainiak. Oregi, Juan Goikoetxea S. J., Zatarain, Salvador Garmendia, Oleaga, Gereño, Loidi, Arregi, Lasa, Beobide, Zugasti, Etxaniz, Aresti, Altuna eta Santamaria laguntzailleak.

Arotzarena eta Arzubiaga laguntzailleak il dira. Ager bekie gure dolu miña etxekoai.

Euskal iztegiarz jardun da. Berriketaren gaia iztegiak normatiboa izan behar duen eta nolako neurrian izan da eta aurreko batzarrean esandakoak zeatzago finkatu behar lirakeala. *H* letraren ordenaz ere izan da zer esana. Lendabizi oiñarriak ondo plantatzea komeni dan ezkerro, naiz eta gaia biltzea beti egin diketeana izan, Mitxelena